

Melele in Kajinet kin COVID-19

Ñan ad maron kadiklok an mokaj an lablok keij in COVID-19 ko ilo state eo ad im loloorjak ke aujbitol im kein jermal in taktō ko rejab obrak, kim ej kōmman laajrak ko rebin bōtab rej mennin aikuj ñan kejbarok ejmour eo an armij.

Kim ej kile ke mennin enaj lelok abañ in jāān ñan elōñ bijnej ko im governor eo im rijermal ro an rej lale wāween ko remaron kadiklok jorren ko.

- Jen lukoñ boñ Mande, Nobomba 16 ñan Mande, Tijemba 14, aoleb bukon ko ilo Washington reñaj bar rool ñan mo ko emōj kalikar ijin lal.

Oktak ñan mo ko an aoleb bukon reñaj jino lukoñ boñ Mande, Nobomba 16, ijellokun ñe emōj bar kalikar. Elañe makūtkūt eo ejab bed ilo laajrak in, ej aikuj loor melele in kajinet eo an tōrre in. Aoleb K-12/jikin jelālokjen ko reutiejlak, jikin ejmour, im jikin ko rej lale ajiri remelim aer jab loor mo kāāl kein im reñan loor melele in kajinet eo an tōrre in. Mo kein rejab jermal ñan jikin ekajet ko im jikin madmōd ko rej einwōt an jikin ekajet.

1. **Kakobaba in Armij Iloan Em** ibben armij ro rejab jokwe ilo mweo imōm remo ijellokun ñe reñaj (a) jab ito tak iomwin joñoulemen (14) raan mōkta jen ien kakobaba eo; ak (b) jab ito tak iomwin jilimjuon (7) raan mokta jen ien kakobaba eo im loe juon jemlok in teej ej kamool ejellok COVID-19 ibbeir jab lablok jen 48 awa mokta jen aer kakobaba ibben ro jet. Juon kobban em emōj kōmelele ej armij ro rej jokwe iloan juon wōt em.
2. **Kakobaba in Armij Inaboj** eñaj wōr joñan kin lalem (5) armij ro rejab jokwe ilo mweo imōm.
3. **Imōn Mōñā im Baar ko** rekilōk ñan am deloñ im mōñā iloan. Jikin ko kwōmaron mōñā inaboj ak bōk am aikuj remelim, ak aoleb jikin mōñā ko inaboj rej aikuj loor aikuj ko ilo Melele in Kajinet eo an Mōñā Inaboj. Joñan tebol ko ñan mōñā inaboj eñan wōr joñan ñan labtata lalem (5) armij. Mo kein emōj jañiji ñan imōn mōñā im baar ko reñaj jino ilo 12:01 awa lukoñ boñ Wenje, Nobomba 18, 2020.
4. **Jikin Makūtkūt in Ejmour ko** rekilōk ñan kōmadmōd ko rej kōmman iloan em. Kilaaj in makūtkūt in ejmour ko ilo naboj remelim bōtab remaron wōr joñan an armij kakobaba ilo naboj einwōt an mōj laajrak ijin lōñ.
5. **Jikin Bowling ko** rekilōk ñan kōmadmōd ko iloan em.
6. **Jikin Kōmadmōd ko jet:** Aoleb makūtkūt ko an jikin wia im kweilok ko an bijnej remo. Kaminene im teej wōt an jermal kabel ko rebañ kōmman jen jikin ko rettolok, im bareinwōt aoleb kōmadmōd ko an jikin ekajet ak makūtkūt ko ikijen jikin ekajet remelim. Ewōr joñan armij iloan juon ruum in kweilok ñan 25 būjjeen in joñan armij elabtata iloan em ak 100 armij, joñan eo wōt ediklok.
 - Jikin ko jet ekoba: jikin kweilok ko, jikin ko emōj kōmmani ñan jikin kweilok ilo juon hotel, jikin kōmman makūtkūt, jikin kamōnōnō ko inaboj, jikin alwōj ikkure ko, jikin ko ejab an kien, ak bar juon jikin einwōt men kein.

7. **Imōn Alwōj Bija ko** rekilōk ñan kōmadmōd iloan em. Imōn alwōj bija ko kwōj jijjet iloan wa eo waam remelim im rej aikuj wonmaanlok in loor melele in kajinet eo an imōn bija ko armij rej jijjet iloan wa ko waer an tōrre in.
8. **Jikin kaalwōjwōj ko einwot Museum/Zoo/Aquarium** rekilōk ñan kōmadmōd ko iloan em.
9. **Jikin ko rej Em im Bwidrej:** Em ko rebellok ñan an armij iwōj im lali remo.
10. **Marre im Ilomej:** Kōmadmōd ko an ien rōt kein eñaj wōr joñan armij ñan an jab lablok jen 30 armij. Makūtkūt ko iloan em, ilomej, ak kakobaba ko rej einwōt men kein koba kin kōjerammon kein remo.
11. **Imōn Wia ko iloan em** aikuj wōr joñan armij ñan 25 bŭjjeen in joñan armij elabtata iloan mweo, im jikin jijjet ko ekkā an armij bed/kakobaba ie im jikin mōñā ko iloan em einwōt koot in mōñā ko rekilōk.
12. **Makūtkūt ko an Kabun** ewōr joñan armij ñan 25 bŭjjeen in joñan armij elabtata iloan em, ak jab lablok jen 200 armij, joñan eo ediklok. Ro uwaan kabun/ro rej koba waj rej aikuj ekōnak kein kalbubu māj aoleb ien im emo an armij al. Ejellok choir, band, ak rikōjañjañ ilo ien jar eo. Armij ro rej al make al ak kōmman ikkure remelim, im ro rej al make iar emaron wōr bar juon wōt armij ej bed ibben. Makūtkūt ko rej kōmman inaboj rej aikuj loor Melele in Kajinet eo an Mōñā inaboj, im kwōnaj loe [\(ijin\)here](#), ekkar ñan mweo ak jikin eo.
13. **Jerbal ko rekabel** rej aikujin kakien an aoleb rijerbal kōmman kōmadmōd jen mweo mweier elañe remaron im kiil obij ko ñan an armij iwōj, elañe remaron. Jabdewōt obij aikuj bellok aikuj kōmman joñan armij elabtata nan 25 bŭjjeen in joñan armij elabtata iloan em.
14. **Kōmadmōd ko rej lelok ñan armij** ewōr joñan ñan 25 bŭjjeen in joñan armij elabtata iloan em.
 - Kōmadmōd ko rej lelok ñan armij ekoba: ro rej kōmman make up, teej in make up, ro rej kōmman bar, ro rej mwijbar, ro rej karreo iturin mejan armij, ro etuiejlok aer karreo iturin mejan armij, ro rej kōmman aki, rijerbal ro ilo jikin kōmman aki, ro rej jermal kin kein jarom in kōmmane kilin armij, ro rej jiña makeup ñan mejan armij, jikin ko armij rej tile kilier, im ro rej eo.
15. **Jikin ko rej lelok kejbarok iomwin ien aitok:** Emo an rilowaj iwōj ñan inaboj. Emo an rilowaj iwōj ñan iloan em, bōtab ewōr kajojo kōmelim ko ñan armij ro aurok aer ebōk jermal in jibañ ñan mour eo aer ak kejbarok ikijen an rinañinmij eo bojak in mij. Mo kein reñaj aitoklok ñan jikin ko ilo Proclamation 20-74, et seq. Aoleb kakien in Proclamations 20-66, et seq., im 20-74, et seq., ekoba aoleb laajrak ko jinoin ñan kōmelim jabdewōt rilowaj ej bed wōt ilo an wonmaanlok.
16. **Makūtkūt in Ikkure ko an Jodikdik im Rūtto:** Makūtkūt ko iloan em ñan aoleb ro rej jiae im ikkure ko remo. Makūtkūt ko inaboj eñaj wōr joñan armij ñan kumi in katak eo wōt, ilo an aikuj bwe aoleb coach ro, rijibañ, im rikkure ekōnak kein kalbubu māj aoleb ien.